

Сән седвәрин аш

Би 1959 джилин октябрин нег шин күртл Ергенинск поселкин Советин ахлач болдж кӧдлджәләв. Энүнә хӧӧн Валентина Гаганован үлгүрәр, ард хоцрдж йовх участкур намаг йовултн гидж, КПСС-н Приозерн райкомд эрлгъ орулдж ӧгвв.

Тегәд, КПСС-н райком мини сурв-риг таасдж дӧннәд, Чкаловин нертә совхозин ард хоцрдж йовх 1-ч фермин залачд тәвб.

Намаг ирх цагт, эн фермд үвлд кесн белдвр тӧрүц уга бәәдж. Тер учр деерәс, ахр болзгт бәәх дуту-дундсиг унъгарнь уга кедж, мал үвлзүялгнә кӧдлмшт сәнәр белдвр тетквдн.

Үнарнь келхд, түрүн авгт нанд йир күчр болв. Тиигсн бийнь, күндәснь әлго, цуг хаджгър йовдлла но-олдад, дуту-дундсинь цаглань чикл-дж авбв. Мини кӧдлмшт партийн организацин сегләтр Ольдаев Михаил болн комсомольск организац сән дӧнъ-тус болв.

Комсомольцнрин күчн-чидләр малин хаша-хаацс ясгдв, дакад малин үвлзньгүр шүрүн хот зӧӧдж авгдв.

Ода мал үвлзлгнә кӧдлмш сәнәр кегдджәнә.

Би, 1960 джилд, толгъалдж гар-дджах ферман совхозд түрүн нүүрт гаргъхар даалгъвр авбв. Эн даалгъ-вран үзмджтәгъәр күцәхм лавга. Юнъгад гихлә, партийн, профсоюзн болн комсомольск организацс, фермин кӧдлмшчнр, үкрчнр, хӧӧчнр дунд политическ болн цәәлгъврин кӧдлмш делгрүлсн учрар, эндү йовдл ода гархш. Дакад, КПСС-н ЦК-н Плену-мин шиидврин чинринь сәнәр ме-дж аввдн. Тегәд чигн, долан джи-лин хойрдгч джилд үзмджтә диилвр күцхәр ноолда бүрдәдж йовнавдн.

Мана фермин малчнр хәләдж аср-джах малан цааранднь ӧскдж, тед-нәс авгддг, шим-шүүс делгрүлхин, государствд мах, үс, ноос икәр хулд-хин тӧлә района малчнрур дуудвр кевдн.

Бидн совхозин партийн организа-цин гардврар авсн даалгъвран үзм-джтәгъәр күцәхвдн гидж ицджәнәв-дн.

У. ЗЕРДЕЕВ.

Приозерн района, Чкаловин нертә совхозин 1-ч фермин залач.